


PAMFLET

472



Articlen vande Neder-



landsche Pacificatie / byden Hooghwerdichsten
Doorluchtichsten / Doorluchtighen en Edelen Heeren de
Keijserlycke Commissarisse gheconcepieert en gheraempt te
Luelen en beyden den partijen / Den xviijsten. Julij gecoms-
municeert. Anno. M. D. LXXIX.

Vuyt den Latijn in onse Nederlandsche sprake ouergheset.

II.

In den Aerste / het tractaet vanden Heys / binne der stade
van Sendt ghemaecte ende ghesloten / den achsten dach
van Nouembri int iaer. LXXIX. insghelycx d'Unie tot
Brussel / den neghensten Januarij int iaer. LXXIX.
daer op genolcht / ende daer en bouen het Gewich Edict
ende geboth / tot Brussel den leuentiensten Februarij int selue iaer
ghepubliceert / mitsgaders de approbatie ende ratificatie vande
Coninclycke Maest. sullen in alle heure puncten ende articulen
onderhouden ende ter executien gheselt worden.

III.

Ende want bouen t'geen daer geschiet is zedert den tijt vande
ierste heroerten / verscheiden saecken alnoch ter eenre ende andere
sijden gedaen / ghesproocken ende aenghericht sijn gheweest / nae de
hoorsz. tractaten vander Pacificatie va Sendt d'Unie en d'Gewich
Edict / soo int generael als int particulier / Soo sal insghelycx by de-
se tegenwoordighe Pacificatie / een ewighe vergetenis opgheselt
worden / soo wel van de hoorsz. lesse stucke / seymen ende propoosten /
als die gene die te voorsz. gheschiet sijn geweest / Soo dat vande
seluen voorsz. egeen vermaen / verwijt of ondersoek meer gedaen
en sal worden / rechts al off die nemmermeer geschiet off toegecome
en waren gheweest / Ende dat opten peen van exemplare straff en
correctie / ouer den ondersaten / ouertreders van desen / te doen / als
perturbateurs vande gemeyne ruste.

IIII.

Die Catholijcke Coninclycke Maesteyt / sal synen Vasallen en
ondersaten / onderhouden ende handhouden / iac oock (in dien des
noodich dunckt te wesen) op een nieuwe Confirmieren / alle ende
pegelycke rechten / vsantien costymen / vryheden / exemptien en pri-
uilegien / van allen den prouincien / Steden / gbemeynten ende allen
ander

anderen prinaten perfoone/ soo int generael als int particulier/ nae
huylwylsen des tiensten artijckels van het Etwich Edict/ en gelijck
sijne voorsz. Maiestejt/ doen de selue in dese Nederlantische Prouin-
cien ghehult worden/ gheloofst ende geswooren heeft.

III.

Alle vreemde Crijtschuyden / als Spangnaerden/ Italianen/
Duytschen /franschuyssen/ Bourgoengnoens/ Engelschē / Schotten/
ende alle andere buytlandsche/ die ter saecken vande voorsz. beroer-
ten/ ten beyde syden geroepen ende aengenomen syn gheweest / sul-
len naede publicatie van desen Besijs/ buyt dese Nederlantische pro-
uincien/ binnen den tijt ende termijn by gemeynē consent te stellen/
moeten t'samentelyck en op eenen tijt vertrecken.

II.

Ende betreffende den anderen Crijtschuyden egeene buytlands-
sche weseude/ soo sal sijne Maiest tot volcomender ontlastinge van-
den benauden onderfaten/ beuelen ende gebieden/ allen het Crijtsch-
volck/ soo te lande als ter zee / afgedanckt ende verlaten te worden/
om daer nae by hen seluen in stilte ende gherusticheyt te leuen / al-
leenlycken behoudende ende inde plaats te leggene/ die ordinarijsse
garnisoenen/ Op dat oock alle die onderfaten/ borgeren en ingesete-
nen / sonder vertreck hen wederomme tot henne comanschappen/
handtwercken en saecken des Besijs / mogen begenen ende keeren/
waer mede sy hen seluen/ huylvrouwen ende kinderen/ sonder ver-
coytinghe oft onghelyck van haren naesten/ eerlycken onderhouden
en geneeren mogen/ Ende vanden openbaren gebruyck der wape-
nen hen lieden voortijden ongewoonlijck/ ende den tijde van Besijs
onbetamelijck/ afstaen ende ophouden.

III.

Alle schattingen / imposten ende alle andere onghewoonlijcke
tollen ende beswaernissen/ ter saecken vande tegenwoordighe trou-
blen ennichsins ingestelt/ sullen t'eenenmael cesseren ende afgedaen
wordē/ Behoudelijck nochtans / oster noch ennige continuatie van
seckere lasten geacht wordē tottē gemeynen profijte dienstelyck en
noodichte sijn / soo sal sijne Maiest. soo wanneer der seluer bijden
Staten deshaluen ennighe verthooninge ghedaen sal wesen / haer
naeden raedt ende begcerten der voorsz. Staten geerne ende gewil-
lichlycken accommoderen.

III.

Daeren bouen sal wederomme opghericht ende gherestaureert
worden/ die vrijheyt van den coopmanshandel/ ende de passagien op
allen doorten/ door ende ouer allen Steden/ Dorpen / bruggen en ha-
nenen der seluer prouincien/ soo wel te lande als ter zee/ ende oock
door de stroomen ende riuieren/ gelyck voorsz. dese tegenwoordighe
troubelen gheschiet ende geploghen is geweest/ Midts dat van ston-
den

den aen cetteren sullen die nieuwe toffen ende opsettingen/ die son-
der authoriteit van sijne Majest. tot daer toe/ door dese beroerten/
metter daet sijn inghestelt gheweest.

III.

Ende op datter egheen fact off materie van altricatien/ beco-
mingen oft clachten meer ouer en bliue / sullen alle Beestelycke en
alle werlycke personen/ soo inlantische als buytlandsche/ gerustelijck
ende vriedelyck wederomme respectiuelijck recupereren ende beco-
men heure werlycke ende Beestelycke goedens/ die roerende/ die
noch in esse sijn/ ende alle henne onroerende/ titulen/ schulden en ac-
tien/ Ende de selue van stonden aen/ in sulcken staet ende qualiteit/
als sij tegenwoordelyck gevonden sullen worden/ ghebuycken ende
genietē/ sonder alle bedroch ende argelist/ Niet tegenstaende ennige
beronderpandinghe off veralieneringe/ zedert den tijt vande Paci-
ficatie van Bendt ter contrarien daer inne gheschiet/ maer die ghe-
daen sijn voer de voorsz. Pacificatie van Bendt/ worden gelaten ter
dispositie van der selue.

II.

Van ghelijcken sal een iegelycke van den onderlaten ten beyde
sijden/ in sijne eeren/ digniteiten/ beneficien/ Bouuernementē/ Staa-
ten/ ampten ende officien gerestabilieert ende wedergheset worden/
in alder vueren ghelijck hi ten tijde van het Eeuwich Edict/ laten-
de/ datter voer t' voorsz. Edict gheschiet is/ totter dispositie vanden
selue/ geweest was/ Vuytgenomen alleenlyck die geene diemen sal
ingogen verhooren/ met ennighe Staten/ ampten ende officien/ tegens
die rechten ende priuilegien vanden Vaderlande/ versien gheweest
te sijn/ Hier inne nochtans versien dat als sulcke gespoliceerde/ die alsoo
in heuren ouden staet wederom gestelt souden worden/ ghehouden
sullen sijn/ te doen den Eedt / daer inden naestvolghende article
mentie af ghemaect wordt/ Ghelijck oock die andere sullen moeten
doen/ die naemaels tot ennige nieuwe Staten ende Officien sullen
aengenomen worden/ wederroepende / casserende ende te niet doen-
de/ allen t' gene dat ten beyden sijden ter contrarien gedaen/ gedecre-
teert off vuytghesproken mach wesen.

X.

Niemant en sal tot ennige Bouuernementen van Prouincien/
Steden/ Castelen/ ende Sterckten/ Capitijnschappen/ off ouerich-
teyt ouer oorlochvolck toeghelaten worden/ noch oock totte Raes-
den van State/ Secreten/ off van Financien/ ende andere officien
van grooter importantie/ dan alleenlycken natuerlycke ende inge-
borene vande Prouincien die onder het generael Bouuernement
begrepen sijn / welcke oock voer henne receptie ende aencomen
sullen bouen die oude ende ghewoonlycke Eeden/ die sij den Co-

A. ij.

ninch

minck als haeren natuerlijcken **h**inde plagen te doen/ solemnelijcke
ke sweeren op dese tegenwoordighe artticken / ende gheloouen de
selue getrouwelycken ende oprechtelycken te onderhouden / opten
peene van meynedicheyt ende vooz sulcx gestraft te worden.

¶

Die geuangenē ten heyde sijde / die welcke vā wege der voozsz.
troubelen noch tegenwoordelijc geuancckelyck sijn/ sullen terstont en
sonder ennich ghelt off rantsoen / ontslagghen/ los ende vry ghelaten
worden / Ten waer nochtans dat van te vorens anders daer van
ouercomen ende gheacordeert waer gheweest.

¶

Die Graue van Bueren sal in sijne vryheyt ende Waderlande
wederom gherestitueert ende ghestelt worden/ binnen den tijt van
drie Maenden/ Na dien dat die Prince van Orangien voldoen sal
hebben egeene men met hem tracteeren sal.

¶

Die Decreten/ dispositien ende ordinantien/ byden **E**re Erfs
hertoghe Mathias/ den Raedt neffens hem wesen/ ende den **G**e
nerale Staten/ vanden tijt der leste troubelen / op sijne Maest. nae
me buytgegaen zijnde/ sullen vooz oprecht ende crachtich gehouden
worden/ ende henne behoorycke effecten sorteeren / vooz soo veel
aengaende is die beneficien/ digniteyten/ officien off alle andere sac
cken/ die gewoonlycken sijn te staenter ordinarijse dispositie en machte
der geene die de Stadt ende plaets houden van Gouverneur der
voorz. Provincien/ Maer niet de saccke die den eygene persoon vā
sijne Maest. gereserueert ende verhouden sijn/ off datter eninge ge
daen waren tegens die rechten/ priuilegien ende vryheden/ vanden
Waderlande/ off anderling tot yemants ongelijck off beschaedicheyt
waren redonderende ende streckende.

¶

Desghelycken oock die Magistraten ende officieren van allen
Steden ende andere plaetsen/ die buyt henne officien oft administra
tien afgeset sijn gheweest/ by andere wegghen ende manieren dan by
ordre van recht wittelycken onderhouden / off anders tegens die
priuilegien der voorsz. Steden/ off buyten die ordinarijse ende ghe
woonlycke manieren van doen/ Sullen sonder verreck wederom
ghestelt ende gheintegreert worden in henne digniteyten ende offi
cien/ Ende in toecornenden tijden salmen procederen inde creatie
van dien / ghelijck van oudts ende volgende die rechten/ costumen
ende priuilegien eens yeghelijcx Landts/ Stades en plaets behoort/
Op dat niet en wordt ghetolereert ende toeghelaten/ d'iniurie off
onghelycke yemanden aenghedaen.

Egeene

De geene der Religie belanghende is (de welke allen watachtighe Christelycke Princen/ met recht behoort op het hoochsten te sijn gerecommandeert) Soo en can sijne Maest. geenling voor by gaen/ om volgende die voetschappen vande Catholycke Coninghen sijne Maest. voorzonden/ ernstelyck te begheeren en te gebieden/ in sijne Patrimoniale prouincien ghehouden ende bewaert te worden/ die Catholycke/ Apostolycke Roomsche religie/ Die welke van allen tijde niet alleenlyck inde selue Lande aengenomen is geweest/ maer ooc onder die welke die ondersatē der seluer prouinciē eertijde soo grootelyck hebbē geslozeert/ ende in welke Religie (soo al notoit en seckerlyc is) soo wel sijne Maest. als sijne Maest. voorszaten voorsz. in dese prouincien ghehult en voor henne natuerlycke princen door middel van solennelen eede ontfanghen sijn gheweest. Ende sal die voorsz. religie (vuytgesloten alle anderen) vry/ vriedelyck ende sonder ennich belet/ voortaan in allen plaetschē deser Nederlanden/ ghetraecteert/ ende geoeffent worden/ Ghelyck als die Staten oock van te voorsz. inde Generale Unie hen seluen onderlinghe ende soo solennelycken verobligeert ende verbonden hebbē/ misgaders in het Eeuwich Edict/ ende by soo veel verscheyden brieuen sijner Maest. soo wel voor als nae de tegenwoordighe troublen/ toeghe-secht hebben/ te willen toelaten en veruoirderen/ en gelyck sy oock noch onlanc aen sijne Keyserlycke Maest. geschreuen hebben/ In sulcker vuegen/ dat sy niet en moghē sonder groote schande off (soo te seggen) niet sonder confusie vanden gheheelen politijcken staet/ in eene soo gewichtighe saecke/ tegens henne eygene schriften ennichsins contrarieere. En aengaende Hollandt/ Zeelandt en der stede van Bommel/ de selue worden gelaten inder dispositie der pacificatie van Bende/ alsoo nochtans dat middeler tijt die Catholycke Roomsche religie wederom opgericht sal wordē/ in sulcke stede en plaetschen der voorsz. prouincien/ inde welke sy ten tijde van het voorsz. tractaet aldaer gheerecteert ende gheoeffent is gheweest.

Den ondersatē die in d'andere prouincien vande Nederlanden in dit tractaet begrepen/ vande Catholycke Roomsche Religie afgeweecte sijn/ verleent en laet toe/ die voorsz. Catholycke Coninclycke Maest. (regard nemende opten tegenwoordigē staet der voorsz. Landen) door sijnen Commissaris/ dat sy mogen in de selue prouincien blyuen/ leuen ende wonen/ sonder hen ennighe straffenisse off quellinghe ter saecken vande placaten op t'suck vander Religie gengebden te worden/ die welke soo lange geschoyt sullen blyuen/

tot ter tijt ende wilsen toe dat met raedt vande voorsz. Staten/wet-
 telycken en behoortlycken te vergaderen by de Coninclycke Stat.
 off sijnen Souuerneur Generael in een verseeckerde plaetse al waer
 dat die stemmen ende opinien vrij ende vranck sullen mogen wesen/
 anders sal wesen gedisponeert opre moderatie der voorsz. Placcaten.
 Hier inne nochtans versien dat alsulcke ondersaten/ middeler tijde
 hen gheheelycken sullen abstinieren ende wachten van schandalen/
 disorde ende opzochteyde ende van allen ghebruyck ende oeffenin-
 ghe van andere Religie dan vande Catholycke Roomsche. Ende
 sullē oock middeler tijt vrij ende vranck mogen genieten alle henne
 goederen ruierende ende onruierende rechten ende actien/ Ende sul-
 len de selue oock hoedanich dat die sijn / elders mogen verbueren/
 vercoopen off veralieneren / soo hen des goetdunkten sal / En inne
 dien hen beliest henne voorsz. goedens te behouden/ moghen oock
 absent wesende/ ouer de regeringe/ administratie en ontfanc der sel-
 uer in dese Landen kiesē ende stellen Catholycke Rentmeesteren/
 wie dat sy willen / Ende daerenbouen soo wanneer ende menich-
 werf hen gelienē sal/ wederom inde Prouinciē te keeren/ midts le-
 uende Catholyckelijck en nae de ghebruycken en manieren die den
 Catholycken personen betaemē. soo sal alsulcke wedercompste/ en
 de macht van henne goedens by hen seluen te mogen administrerē/
 eenen yeghelycken ter goeder trouwen wesen gheoorloft ende ghe-
 gunnen/ soo geringe als den Pastoren/ officieren ende Magistraten
 vande plaetse daer toe sy begheeren sullen weder te keeren/ alsoo
 daenighe henne intentie ende wille/ gheinsinueert ende aengegeuen
 sal wesen. Tuyt welcke Coninclycke indulgentie ende toelatinge
 eenen yeghelycken openbaer ghemaect wordt dat de selue egheen-
 sins en begheert noch en suecht/ de Confiscatie vā goedens/ noch de
 ruine off bederffenisse vā sijne ondersate/ En ooc dat sijn voornemē
 niet en is de selue/ nae rigent der voorzedenen Placcaten te straffen/
 Raedenmael oock dat sijne Stat. gansch bereypt is/ deselue Placcatē
 met raedt vande voorsz. Generale Staten betaemelycken te maer-
 gen ende modereren / ende alles te doen datten dienst Godts Al-
 machigh / rust ende vrede der Prouincien toebehoirt / ende eenen
 goetertieren/ lieuen / Christelycken Prince betaemt.

¶

Die authoriteyt ende ghehoorsaemheyt sal sijnē Majest. van
 sijnen ondersaten worden geresitueert ende onderhouden / sulcke
 als niet redenen nae buytwysen vande goddelycke ende wetlycke
 rechten / ende naede Privilegien/ vrantien ende costuymen vanden
 Landen / der Pacificatie van Sendt d'Anie daer op gheuolcht / het
 Genwich

Leuwich Edict / ende desen teghenwoordigen Tractaet / behoort
te wesen / en sulcke als voortijden onderhouden is gheweest. Op dat
seckerlijck die Justitie wel en te recht mochte worden gheadmini-
steert / en die ondersaten in allen redenen / billichheit / rust en gehoors-
samenheit geregeert / en dat in sulcker vuegen en manieren / als ghe-
schiet is geweest / van allen memorien aff / soo wel tentijden wijlen
des Keisers Karls de vijffte / ende sijnen voorsaten / als oock ten
tijde van sijne Conincklike Maest totten beginnelen toe van desen
troubelen. Sonder welcke instauratie der voorsz. autoriteijt ende
gehoorsamenheit vande ondersaten / egeensins mogelyck is het volc
in eenicheit / eendrachticheit / oprechte Justitie / rust en stillichheit te
mainteneren en onderhouden.

¶

Besteert alnoch r'stuck vanden Gouvernemente Generael ouer
de voorsz. Provincien / Ter oorsaecken vanden welcken sal den
Coninck verkiezen en stellen eenen Prince off Princesse van sijnen
bloede / de welke goede verbaerentheit van sacken sal hebben / en
alsulcke gaue en qualitejten als in sunderheit tot sodanigen hoo-
ghen ende swaren ampt van noode sijn / Ende vanden welcke die
ondersaten goede redenen hebben sullen hen te concentreren. Ende
sal de selue regeren in aller rechtuerdicheit en billichheit / en besun-
dere nae de blantien / rechten / costumen en priuilegien der voorsz.
Landen. Daer onder oock begrepen wesende die voorsz. Pacificatie
en dit Edict vande teghenwoordighe reconciliatie en versoeninge /
welck hy ofte sy gehouden sullen sijn te geloouen en te sweeren.

¶

Aen wiens Gouverneurs Generaels handen / sonder voordes-
se swaricheit gansch en geheelycken ouergeleneert sullen worden /
alle en yegelycke Steden / Stercken / en alle andere plaetsen / die wel-
ke van der eenre off andere syde / onder wat titel off d'eren dattet sy
tegenwoordelyck ingehouden worden / mitsgaders die patrimonie-
ael goederen sijne Maest. toebehoorende / het gheschut en artillerien /
munition van oorloghen / victualien / wapenen en schepen / Op dat
hy alsulcke plaetsen / de welke ouer alle memorien / garnisoenen ges-
hadt hebben / mach comitteren en belasten om bewaert te worden / mer
aduijs vanden raedt van State / byde ingeboeren van desen Neders-
landen / die hen by eede sullen verbinden aen sijne Maest. en de Ge-
nerale State / bouen die oude ende ghewoonlycke eeden / die sy den
Coninck als heuren natuerlycken heer en Prince plaghen te doen /
van dese articulē oock te onderhouden / en dat hy andersins vande sel-
ue mach disponeren / ghelyck hy te dienste van sijne Maest. mitsgaders

B

h.

gock

boeck'ten proffijt en versekerheyt vande Lande beuinden sal meest
noodich en dienstelick te sijn / En andersins ghelyck des behoort te
gheschiede en ghebaet is geweest voor de tegenwoordige trouble.

¶¶.

¶ Vergunt niettemin en laet toe / sijnne voorsz. Maest. (ende daer
puerlycke ter liefde van deser reconciliatie) dat t'geene tot noch toe
vā sijnne Maest. patrimonial goederen off subsidien en beeden vanden
gemeynen volcke ghenomē en gecollecteert is gheweest / dat t'selue
alsoo ontfanghē en gecollecteert sal bliuē / sonder dat ter saecke vā
die ennige voordere vervolginge off molestatie ennighē menschē
aengedaet sal wordē / Alsoo nochtans datmē in toecomendē tijde vā
sodanige detentie / occupation en collectatie / desistere en ophoude.

¶¶¶.

Die Pacificatie van Gendt / Generale Unie der Statē daerop
ghevolcht en d' Eerwich Edict vā Brussel / hier bouē int beginselē
gheselt / blyuende in hē geheel / Sullē die Statē renunciere en ver-
tijen op alle andere confederatien / verbijtenissen / en onderlinghe
gheloofte / ter saecke vande voorsz. berocerte / soo wel binne als buyten
desē Landen / ghecontrahere en gemaect.

¶¶¶¶.

Ende sullē in dit Tractaet mede begrepen sijn die Coninginne
vā Engelandt en den Hertoghe van Alençon.

¶¶¶¶¶.

¶ Voorts van t'geene concerneert en belanght die expedite / confir-
matie / publicatie / en twighe en vaste onderhoudenisse vā
deser Pacificatie salmē naemaels handelē wan-
neer dat alle saecke sullē wese gheacco-
deert en ghesloten.

¶¶¶¶¶.

Math. V.

¶ Salich sijn die vreedtsamigen, ywant sy sullen kinderen Gods ghe-
noemt worden.

Psal. LXVII.

¶ Verstroyet volck die oorloghe begheren.



tot te
telyck
off sij
dat di
ander
Hier
hen g
disor
ghe
sulle
goed
sen d
berc
dien
able
ner i
wie
wer
nen
Car
de n
eene
gun
van
daer
sal i
een
sine
rui
nter
Ma
met
ger
ma
goc

zitt
als
rec
la

